

02 JUN 1998

Komanwel-Persidangan

KESATUAN AKHBAR KOMANWEL BINCANG PENGURUSAN EKONOMI

KUALA LUMPUR, 2 Jun (Bernama) -- Persidangan Kesatuan Akhbar Komanwel (CPU) di sini pada Oktober antara lain akan membincangkan isu-isu kecenderungan serantau di Asia dan menguruskan ekonomi pada masa senang dan susah, menurut seorang pegawai.

Ini kali pertama Malaysia menganjurkan persidangan itu yang akan berlangsung dari 26 hingga 29 Oktober. Kira-kira 150 orang dijangka menghadiri persidangan itu yang dijangka dirasmikan Perdana Menteri Datuk Seri Dr Mahathir Mohamad.

Setiausaha Agung Komanwel Chief Emeka Anyaoku akan berucap pada sesi pembukaan persidangan yang bertemakan "Eye of the Tiger."

"Ini merupakan perkongsian idea dan harapan," kata beliau pada taklimat media di Kelab Akhbar Kebangsaan di sini.

Perbincangan mengenai kecenderungan serantau di Asia meliputi gambaran menyeluruh tentang keadaan ekonomi di rantau berkenaan dan juga soal sosio politik di Asia Tenggara, kata beliau.

Isu-isu berkaitan hak asasi manusia di kalangan anggota Komanwel, kebebasan akhbar, era digital dan implikasinya, CPU dan peranannya pada masa depan serta alam sekitar juga akan dibincangkan.

Robinson berkata sebelum persidangan, Forum editor CPU akan diadakan di Universiti Sains Malaysia dari 21 hingga 23 Oktober bagi membincangkan isu-isu menyentuh diri mereka dan aspek teknikal profesion itu, kata beliau.

CPU yang berpusat di London ditubuhkan pada 1950 antara lain untuk mempertahankan nilai-nilai Komanwel dan memperjuangkan kepentingan badan-badan penerbitannya serta mengadakan program latihan.

Pada masa ini, CPU mempunyai kira-kira 750 anggota dari 53 negara anggota Komanwel. Malaysia mempunyai tujuh anggota dalam CPU.

Pada majlis itu, Robonsin menerima contoh tiket dari Penerbangan Malaysia (MAS) untuk menaja 20 editor dari negara-negara membangun dalam Komanwel.

Yang turut hadir ialah pengerusi CPU, cawangan Malaysia dan Pengarang Kumpulan New Straits Times Datuk Kadir Jasin, Timbalan Pengarang Kumpulan Utusan Melayu Khalid Mohd, Penasihat akhbar The Star Datuk V.K. Chin dan Penulis Kanan Sin Chiew Jit Poh James Wong.

-- BERNAMA

RV FAZ